

**ბათუმის შოთა რუსთაველის სახელმწიფო უნივერსიტეტი**  
**აკადემიური საბჭო**

მისამართი: 6010, ქ. ბათუმი,  
ნინოშვილის ქ., №35

ტელ/ფაქსი: (+995 222) 27 17 87  
ელ. ფოსტა: [info@bsu.edu.ge](mailto:info@bsu.edu.ge)

**დ ა დ გ ე ნ ი ლ ე ბ ა №115**

2013 წლის 23 ოქტომბერი,  
ქ. ბათუმი

**„რსუ–ს პირველი და მეორე საფეხურის უმაღლესი საგანმანათლებლო პროგრამების განხორციელების წესის დამტკიცების შესახებ“ აკადემიური საბჭოს 2011 წლის 20 აპრილის №55 დადგენილებაში ცვლილებების შეტანის თაობაზე**

„უმაღლესი განათლების შესახებ“ საქართველოს კანონის 21-ე მუხლის 1-ლი პუნქტისა და ბსუ-ს წესდების მე-8 მუხლის მე-4 პუნქტის საფუძველზე, აკადემიურმა საბჭომ

**და ა დ გ ი ნ ა:**

1. „რსუ–ს პირველი და მეორე საფეხურის უმაღლესი საგანმანათლებლო პროგრამების განხორციელების წესის“ დამტკიცების შესახებ“ ბსუ-ს აკადემიური საბჭოს 2011 წლის 20 აპრილის №55-ე დადგენილებაში შეტანილ იქნეს ცვლილება. კერძოდ, მე-5 მუხლს 25<sup>1</sup>-ე პუნქტი ჩამოყალიბდეს შემდეგი რედაქციით:

„25<sup>1</sup>. საგანმანათლებლო პროგრამის მოთხოვნების შესრულების მიზნით, სტუდენტი ყოველი სასწავლო სემესტრის დაწყებიდან ერთი კვირის ვადაში, ადმინისტრაციული რეგისტრაციის შემდეგ გადის აკადემიურ რეგისტრაციას, რაც გულისხმობს პროგრამით გათვალისწინებული სასწავლო კურსების/მოდულების შერჩევას და შესაბამისი კრედიტების დაგროვებაზე ვალდებულების აღებას (აფორმებს სასწავლო ხელშეკრულებას ამ წესის დანართი 3-ის შესაბამისად). დაუშვებელია სტუდენტის არჩევანის (როგორც ძირითადი, ასევე დამატებითი სპეციალობის კურსების/მოდულების) შეცვლა სემესტრის დაწყებიდან ორი კვირის გასვლის შემდეგ. დარეგისტრირებული სასწავლო კურსების მოცულობა არ უნდა აღემატებოდეს 75 კრედიტს“.

2. დადგენილება ძალაშია ხელმოწერისთანავე.

აკადემიური საბჭოს თავმჯდომარე,  
რექტორი, პროფესორი

**ალიოზა ბაკურიძე**